



## VALJÄLUVÄTTÄLLÄM NJUOLGIMMONÄTTÄLLÄMRAVVUUH

Sämitiggeest adelum laavâ 26 § mielđ olmooš, kote uáiná, et sun lii vuoigâdnuođâittáá kuođđum meddâl valjäluvättälmist teikkâ sunjin kyeskee merkkim valjäluvättälmist lii puástud, puáhtá kirjálávt vaattâđ valjälävdikoddeest njuolgim.

Vátámuš valjäluvättälläm njuolgiimist kalga toohâđ majemustáá 14 peeivi valjäluvättälläm uáinimnáálá tolâmân kyeskee ääigi nuhâmist ađai majemustáá 14.4.2023 ovdil tijme 16.00.

### Njuolgimvátámuščálusist kalga almottiđ:

- njuolgim váttee ulmuu nommâ
- postâčujottâs já puhelinnummeer, kuus áášân kyeskee almottâsâid vátámuš tahhei puáhtá toimättiđ
- miäradâs, moos váttoo njuolgim
- moi soojijn miäradâsân váttoo njuolgim
- moh nubástusah miäradâsân váttojuh porgâđ
- aagah, moiguin njuolgim váttoo

Jis njuolgimvátámuš tahhee sárnumväaldi kiävttá suu lavâlâš ovdâsteijee teikkâ suu äššiolmooš teikkâ jis njuolgimvátámuš tahhen lii kiinii eres olmooš, kalga njuolgimčálusist almottiđ meiddei suu noomâ já päikkikielđâ

Njuolgim váttee, suu lavâlâš ovdâsteijee teikkâ äššiolmooš kalga vuáláčäälliđ njuolgimvátámâščáállus.

### Njuolgimvátámâščálusân kalga lahted:

- vâldikirje, jis njuolgimvátámuš tahhee ij jieš vuáláčääli njuolgimvátámuščáállus já jis äššiolmooš ij lah äššiveijee teikkâ almos riehti-išedeijee
- äššikirjeh, moid njuolgim tahhee kiäsá vátámušâs toorjân, jis toh iä lah jo ovdeláá toimáttum valjälävdikoodán.

Njuolgimvátámuščáállus puáhtá vátámuš tahhee jieš teikkâ suu váldásmitem äššiolmooš vuolgättiđ Sämitige valjälävdikoodán poostâ mielđ, šleđgâpostáin teikkâ luovâttiđ tom persovnlávt / sänituálvoo pehti. Poostân njuolgimvátámuščáállus kalga kyeđđiđ nuuvt puorijn aagijn, et tot kiergân valjälävdikoodán ovdil pajeláá mainâšum meriääigi nuuhâm.

### Sämitige valjälävdikodde

Sämikultuurkuávdáš Sajos

Menesjärventie 2A

99870 Inari

Telefon: 010 839 3148, 010 839 3155, 010 839 3177

Syeijejum šleđgâpostâ: <https://secmail.com/send/m7jcWH7B>, vuástáväldee: [vaalit@samediggi.fi](mailto:vaalit@samediggi.fi)